

北斗本命延壽燈儀

法事如式

伏以元綱示像通垂上屬之科梵炁經天故有命星之宰一歲而纏週六度三甲而次遍九宮總下土之群靈回凶示吉符上天之列曜決无感亨有感必通無幽不燭以今讚燈弟子某人虔遵聖教遙感真司焚紫鳳之焚燐光通玉斗焰紅蓮之燦燦照徹金衡伏願太極頒祥南宮度命保青年之遐遠資福祉之無窮稽首歸依虔誠讚詠

長生保命天尊

臣東等志心皈命某本命星君諸靈官

伏以真鑒非遙密通於至禱天階雖遠可薦於馨香仰祈圓極之神以貸純禧之祐以今然燈弟子某人攝心返照刻意真風慮多生之罪籍仍存致此世之運行延壽欲求濟度獲遇明科然本命之星燈滌身官之愆過伏願剛斗司之罪簿列南極之仙名復連流注之殃必成於祥福否塞遠虞之難可革於光榮稽首歸依虔誠讚詠

長生保命天尊

玉皇上帝紫微尊神 繡衣羽褐 丹青緋裙 雙珠曜景 華燈散隊 神光洞映 百福維新 八威所告 無幽不聞 志心歸命 願得長生 臣東等志心皈命某本命星君諸靈官

伏以太虛妙一固冲用以無方仙錄明科著精修而有感惟真庭之聖境乃玉帝之晨居仰駐仙旂掃清琳館奉元辰之上宰延生炁之真神以今然燈弟子某人修德省躬勵心悔過虔施醮禮潔辦珍瑤伏願三靈交泰萬罔齊僊闔門長保於利亨畢世用臻於善庇魂神澄正邪氣不侵財祿豐盈福基綿永稽首歸依虔誠讚詠

大慈延壽天尊

玉京嵯峨 朱闕洞開 中有皇人 總衛霄堦 紫繡羽帔 首冠金帟 主判命籍 封山召雲 若有所告 神威巨兵 志心歸命 願得長生 臣東等志心皈命某建生本命星君諸靈官

伏以太極璇圖演玉京之元範東華寶籙唱

金闕之洪猷圓羅翠蓋遶天首之十山鬱秀
瑤臺觀空青之九仞是以流光開演化功初
動於招搖妙炁周旋歲序復還於其斗貴賤
雖資於宿福年終必注於建生以今然燈弟
子某入仰無上之玄司向真常之妙道循天
星而布位然辭炬以通光伏願道與性通心
隨意會存集聖真之佑仰延降簡之祥稽首
歸休虔誠讚詠

消災捍厄天尊

太一真皇 中元紫君 厥譴規英 宇曰泥丸
金床玉帳 紫繡錦裙 腰帶火鈴 斬妖滅奸
手把星精 項負白圓 一心歸命 願得長生
臣某等志心皈命某建生本命星君諸靈
官

伏以雲琳天緯施燿耀於清霄玉影金圓布
方隅於猗漢爰自二儀初判騰景曜於高虛
五炁元司列羣明於空素因流逆之變成禍
福之虞傍正或經於命宮過咎迺生於身位
以今燃燈弟子某人慮星辰之下照啓靈禱
於元司伏願福曜高臨克保大椿之算災曜

退舍永膺光顯之榮稽首歸依虔誠讚詠

長生保命天尊

大明靈神 九度鬱青 朝霞散輝 灌鍊五形
宮駕六合 七神調平 使我飛仙 登行上清
功成道合 三素來迎 一心歸命 願得長生
臣某等志心皈命某建生本命星君諸靈
官

伏以混元肇始啓分青蓮之基造化權輿伏
立赤明之號洪推運系綱紀寰區實左右於
生民迺總司於禍福以今然燈弟子某人頃
魁星而應命投真教以傾心注蘭液之芬芳
布銀缸之紫焰伏願五福茂隆九清享祐永
履平康之運長居寧謐之鄉稽首歸依虔誠
讚詠

福生無量天尊

九炁青天 元始陽精 皇老尊神 衣服羽青
設御天宮 煥明歲星 散輝流芳 淘洗身形
五炁混合 天地長并 一心歸命 願得長生
諷經 宣疏 向來 回向
北斗本命延壽燈儀終

五燈儀同卷

三官燈儀

玄帝燈儀

為三

九天三茅司命仙燈儀

萬靈燈儀

五顯靈觀大帝燈儀

三官燈儀

法事如式

伏聞玄元妙道運一炁而肇乾坤清濁殊分
備三才而明日月顯晦分於晝夜寒暑布於
四時人本沖和為萬類之最靈性本清虛因
五行而受賦列尊卑於貴賤應罪福於因緣
是以三官考校賞功過以無私五帝紀明著
愆非而有在切以人生下境命係上天星辰
運轉值流運而照臨運限推遷遇刑剋而衝
併或動止悞違於五典或命運值罹於三災
殺生縱意於貪婪益已損彼而不善惡言呪
咀或違犯於天基營造興工或冒干於地府
至於六根三業種種過愆非憑道力無以蠲
除今辰某慶逢吉日節屆卅元當三官考校
之辰乃九天賜福之會所以齋戒身心精崇